

ramur. Primo: Inter Mariam, & Serpentem fuit perpetua inimicitia; sed non fuisset, si per aliquod instans Maria fuisset originali labe inquinata: ergo &c. Secundo: Originale peccatum est caput omnium peccatorum, adeoque est caput serpentis diaboli; Sed hoc caput Maria contrivit: ergo ab omni ipsius morsu immunis fuit. Adspulatur Augustinus, vel quisquis alius est Author Commentarii in Genesim: *Nam cum subjectio peccati Originalis caput sit diaboli, tale caput Maria contrivit; quia nulla peccati subjectio ingressum habuit in animam Virginis, & ideo ab omni macula immunis fuit.* Tertio: Si aliquod Marianæ Conceptionis instans fuisset originalis culpæ labe deturpatum, calcaneus Virginis, hoc est illius vitæ exordium, fuisset serpentis insidiis expositum, atque fœdaturum; sed hoc dici non potest, quum ibi dicatur: *Insidiaberis Calcaneo ejus, & ipsa conteret caput tuum;* ergo &c. Explicat Rupertus ad verba illa Canticor. 7. *Quam pulchri sunt gressus tui in calcamentis tuis, Filia Principis?* Scribens: *De calcamentis hic agitur, non corporis, sed Spiritus, in quo discalceatum esse, summa est ignobilitas, & plusquam servilis egestas: ideo Ancilla calcaneum serpens momordit; tu autem, Filia Principis, bene calceata, caput serpentis contrivisti, Tu maxime, o Princeps, & Domina singularis dilecta, &c. Psal. 45. Sanctificavit Tabernaculum suum Altissimus; Deus in medio ejus non commovebitur: Adjuvabit eam Deus mane, diluculo. Plurimos sanctificat Deus, sed aliquos vespere, ut Latronem; aliquos meridie, ut Magdalenam, & Paulum; alios mane, ut Hieremiam, Joannem Baptistam, Josephum; unam tamen sanctificavit diluculo; & hæc est Tabernaculum Dei, quam B. Virginem esse, nemo ambigit, & quam diluculo, hoc est in primo suæ Conceptionis instanti, sanctificavit. Psal. 86. *Fundamenta ejus in montibus sanctis, diligit Dominus portas Sion super omnia tabernacula Jacob. . . Homo natus est in ea, & ipse fundavit eam Altissimus.* Quæ verba explicans S. Gregorius Magnus in lib. 1. Reg. scribit: *Montis Ephraim nomine, Beatissima Semper Virgo Maria, Dei Genitrix, designari potest. Mons quippe fuit, quæ omnem electæ Creaturæ altitudinem electionis suæ dignitate, transcendit. An non mons sublimis Maria, quæ, ut ad Conceptionem æterni Verbi pertingeret, meritum verticem supra omnes Angelorum Choras, usque ad solum Deitatis, erexit?**

*Hujus enim montis præcellentissimam dignitatem Isaias vaticinans, ait: Erit in novissimis diebus preparatus mons domus Domini in vertice montium. Mons quippe in vertice montium fuit, quia altitudo Mariæ supra omnes Sanctos effulset. Ut autem hæc verificentur, opus est, ut dicamus, Mariam fuisse in primo suæ Conceptionis instanti immaculatam; si enim fuisset tantum in utero matris sanctificata, non fuisset supra omnes montes sanctorum sublimior, & excelsior, quia ex istis aliqui fuerunt etiam in Matrum ventribus Sanctificati. Quod scripserat S. Anselmus homil. de Conceptu Virginali: Si Jeremias, qui in gemitibus erat prophetaturus, in vultu est Sanctificatus, & Præcursor Domini Joannes Spiritu Sancto ex utero Matris est repletus, quis disserere audeat, totius sæculi propitiatorium, mox in suæ Conceptionis exordio, Spiritus Sancti illuminatione destitutum?*

II. Probatur ex Scripturis novi Testamenti. Lucæ 1. *Ave gratia plena.* Verbum *Ave* explicatur sine *væ*. Hanc explicationem esse Angelici Doctoris in Elucidatione Salutationis Angelicæ, testatur Frassen, verba, quæ sequuntur, ex eodem Doctore Angelico adducens: *Ex peccato sequitur est triplex *væ*; *væ* culpæ; *væ* pænæ; *væ* ignorantia: *væ* culpæ triplex; Originalis, actualis, & venialis: Sine omni isto triplici *væ* fuit B. Virgo. Angelici explicationi concinit explicatio Seraphici Doctoris S. Bonaventuræ in Speculo Virginis cap. 2. *Ave Maria absque *væ*. Triplex est *væ*, a quo immunissima fuit Maria: *væ* culpæ actualis, *væ* miseria originalis, & *væ* pænæ gehennalis. Subscribit S. Bernardinus tom. 4. serm. 1. de Annuntiatione art. 1. cap. 1. *Ave B. Virgo, sine primo *væ*, id est, sine peccato tyranno peccati originalis, quia sine eo concepta es.* Dicitur etiam gratia plena; quia, si eum originali peccato concepta fuisset, gratia plena neque fuisset, quia defuisset illi gratia præservationis, quam habuerunt Angeli boni. Hanc interpretationem confirmant Sancti, & præcipue Bonaventura, serm. 2. de Virgine: *Quod Domina nostra fuit plena gratia præveniente in sua sanctificatione; gratia, scilicet, præservativa, contra fœditatem peccati originalis culpæ, quam contraxisset ex corruptione nature, nisi speciali gratia privilegio fuisset præservata.* S. Bernardinus Senensis tom. 4. serm. 13. de exaltat. B. Virginis art. 1. cap. 10. *Tanta gratia Virgini a Domino data est, quanta uniparæ creaturæ dari possibile est.* B. Albertus Magnus in suo Mariali cap. 177. In B. Virgine**